

古愚心言十四



善本

撥兵緝捕捏誣庄民詳稿

康熙二十八年五月



看得彭志祿被刺一案既苦番捕弋緝未見又苦屍親矢口惟一讐殺盜殺歷訊皆無據卑職至此鼯鼠技窮矣正提覆審間三河營親詣邑署爲言馬尾乏庄民彭守富係陳家府彭志祿之姪備知兼悉賊住址傾吐於馬尾乏撥兵趙成有本營緝捕韓士良可詢比詢士良言之鑿鑿飛提守富到案隔別分訊守富茫不知所對隨訊屍妻侯氏以四月二十八日有無送信至庄者云汝庄將被劫又訊屍姪彭守才屍婿劉捲牌鄰劉大印

李化義等以四月二十九日爾庄誰家宰猪設酒請悶
庄人預爲救護者氏與才等茫不知所對再三窮詰僉
唾土良士良語塞曰有撥兵趙成在立差役稟營同士
良飛傳趙成至請三河營會訊守富堅供從無與撥兵
交一語櫻訊以頭搶地曰趙成殺我罷復訊牌頭劉大
印等如初供以不得情爲恨飛提陳家府庄民王守才
方進孝高周李天培李天才桂大周大蒙守義劉大印
李化義李化隆李可 蔡進忠十三人到案訊以二十
九日庄中宰猪設酒者爲誰衆同號曰天旱年饑救死

不贖安得此且獨不憶點牌長時閤庄赤貧無一堪者
三河營訊後亦無以自解但曰報我者馬尾乏撥兵趙
成也是日趙成供先問守富半遮半掩韓守良供守富
鋤地呼不至卑職兩詰之始供守富無見而伏思盜未
發而先送信果發則舍送信者誰問乎甫聞信而宰猪
預請庄人使盜非入彼家則失盜者寃詰盜源有不以
預請救護爲証乎兩者雖至愚不爲也况如閤庄所云
歲早年饑誰家能辦此猪酒語不煩而情事了然又守
富爲叔復讐侯氏爲夫雪死何所顧惜而不肯告所謂

聽言以理者此也三河營遽因趙成一語面詰云云會訊守富至稜反曰趙成殺我侯氏與閤庄人皆爲呼冤而撥兵緝捕仍指守富不實吐若非憲臺親提嚴鞫則疑城滿腹載鬼盈車均非地方之幸也緣此案事關重大非批發卑職與營訊所得囫圇完結除一面申詳通潞廳并職揭申送查核轉送外伏乞照詳施行

此撥兵緝捕誣良之案也賊未行劫而通信者先至庄與賊未行劫而聞信者先自危卽備猪酒請閤庄人預爲救護此語雖三尺童子信之乎而三

李滿倉報盜游移遵查詳稿

康熙二十六年二月

看得隆平候庄旗人李滿倉家呈報竊盜存案一案報
呈者滿倉通呈者伊婿旗人顧騰鳳也報被竊而單開
失物累累失主又不到案訊騰鳳則曰滿倉老矣孫尙
幼及傳其孫李應魁至則又昂然丈夫也訊賊數則曰
兩人詰以失物多恐賊不止此又曰摸量門內外有五
六人且云左膀被毆青傷袒而示種種疑城卑職所以
有盜案據實報明失主支飾可異之詳蒙憲檄令卑職
會同城守駐防究訊有無勒改報呈賄買情弊據顧騰

鳳李應魁同辭以對萬無此情問以失單實數匪特騰
鳳供稱不知卽應魁亦以常在主家當差家裏物件知
不甚悉問以賊數如初供詰以五六人云何供是想像
摸量語問以膀傷供稱我爺叫醒起撞見賊是拳是棒
未分明問以短柳木棍二根又供賊所撩也問以是強
是竊堅供非強隨訊隣佑東隣正白旗李之達也西隣
鑲白旗蔡文炳也咸供當夜被刼不聞復訊鄉長凌汝
會供離庄四十里訊保長賈從仁供離庄八里當夜亦
不聞有本庄牌頭周化鳳同西頭庄頭李思功赴報先

訊失主強與竊皆不明言卑職忝爲邑吏知其竊而報
一以強是拂人性也疑其強而報爲竊是違已心也且隆
平侯庄東庄西皆旗人庄西編牌庄東獨抗卑職於
正月內隨天津鎮查界與三河白守備偕行經過是庄
再三勸誠而仗旗藐聽今欲以盜案制長短報曰竊而
口吐故游移示以青傷一處遺以柳棍兩根阱設機伏
甚矣哉卑職遣典史繆綸面稟城守馬尉曾否收其竊
盜存案報紙尉語以報紙已收漢字我不知也則是此
案覺發時悉府辜於卑職矣何時何事不思罷斥而必

以諱盜罷乎適卑職巡路獲夜犯扳一供順義旗庄多人
又駐防城守三河營拿獲僕首主盜者口供皆疑似以
是將起獲衣服等物使應魁騰鳳識認恐或冒焉雜以
已衣翻閱供非其贓又獲驢皮一張以屠家皮數張間
之皆不認卑職於盜案慎之又慎與衆共見不敢諱亦
不肯諱無如失主堅供是竊何然當夜毆傷當堂袒示
失單叠叠世有探囊發篋之夫以挺傷人席捲而去絕
無顧忌如此盜者乎斷弗之信若非憲臺准賜親訊關
移巡憲別白詳院以定此案竊恐聞者訛而指曰失主

報竊吏必報強吏愚且妄愚與妄卑職所不甘心者矣
緣奉批查事理合叙各供備由全具書冊隨申伏乞照
詳施行

此隆平侯庄失盜後予巡路至楊家橋離城數十
里夜闌聞近庄五道廟有人聲下馬喚詢內一人
稱係楊家橋民孫貴富小名雙頂其餘十人稱係
河南省民隨身各有斧鋸刀鑿等具執而歸隔別
細訊孫貴富既住本庄何不宿於家而宿庄外廟
內又有此同宿十人據供現住順義縣小店庄楊

家橋係丈人劉木匠家今日張各庄趕集路遇此
十人問及鄉貫道是河南彰德府人小的過去祖
父原籍彰德內有四叔說我父名字姪兒叫雙頂
相同相認因向衆人道同到楊家橋留宿款飯到
時昏夜不敢呼開柵欄權宿五道廟是實再訊一
人供姓名孫盛章彰德府武安縣丁村人木匠生
理同夥出來覓工將往密雲縣今日張各庄遇雙
頂兒認是我姪與孫貴富供同又喚一人供姓名
趙行與孫盛章供同次詢各人姓名有孫六子張

瘦子趙毛核桃翟二毛頭張旺張五刁彈張成各
供皆同覆訊孫貴富曰近日隆平侯庄旗人李滿
倉家盜案現在緝拿爾等夜行同宿保無夥賊乎
若不實供卽加刑孫貴富供前月黑夜是劉庄頭
爲首打劫一家不知是否此庄訊同夥幾人供有
王禿子并小的四人其一甫識面訊住何處供劉
庄頭住小店王禿子住高各庄皆順義地方訊誰
家集齊供集齊在劉庄頭家訊緣何入夥供欠他
錢債要扯女人去故此着急訊何器械供劉庄頭

騎黃鬪馬帶弓箭帶刀王禿子騎紅騾馬拿短鎗
入庄馬拴戶外我步行拿閃桿甫識面者拿鎗把
風訊分何賍物據供我分光緞藍裏袍一件值銀
五六兩初一日在楊各庄典舖當錢二千訊當票
膳何姓供是王姓又藍布外套一件在張各庄當
錢二百訊當票供在小店娘母家藏後牆裏又藍
布被一牀小的娘母收又白紬裙一件銀簪子兩
枝楊家橋小的女人收又驢二頭撩了一頭他們
賣了一頭小的沒有分錢訊這孫盛章十人有無

經詳報認則坐辟不認則受刑刑辟兩悞冥冥中
執簡而奏昊天罰及身罰及子孫則皆輕信之心
爲之也凡輕信者忍視人死則皆護功名畏叅罰
亟亟銷案之心爲之也詳書附後後之君子當官
座右幸各書一道閩人彭鵬盥手白



順義天柱村盜案詳稿

康熙二十八年十月

查得王三宋大遇盜一案從無片紙報縣卽順義縣與順義營駐防尉亦無隻字關移今奉憲檄粘抄部文內開順義駐防申稱本年九月十八日失主王三宋大遇賊在三河縣張各庄西北空處遵卽會同三河駐防尉馬筆帖式得三河營守備白帶領失主指認地方自張各庄西北過大桑渠庄小桑渠庄凡十餘里一帶槩不認自桑渠繞而西南至龐里山將與順義分界矣指曰此失事處也詰以原報張各庄云何則曰我不知也夫

龐里山路南有大山可指正中有石橋可指路北又有
龐里等庄隔山一里可指何以舍此而遙及十六七里
之張各庄又虛指張各庄西北之空地揣其意以爲張
各庄三邑內地也龐里山順義交界也直指內地則三
邑不得辭然以失主今供駐防原詳較之則已大相刺
謬矣且置勿論卽所發金長柱李士雲等七人隔別審
訊訊天柱村屯撥什庫李士雲保長吳國佑牌頭夏應
魁等賊進金長柱家曾否目擊雲供同庄聞而後至也
佑供張八報而後至也應魁供賊去後披甲等同李把